

ქ. ბათუმის მუნიციპალიტეტის მერია



რუსეთ-საქართველოს ომში დაღუპულ გმირთა მემორიალის ესკიზისა და
საპროექტო-სახარჯთაღრიცხვო დოკუმენტაციის შედგენის მომსახურების

საკონკურსო დოკუმენტაცია

წინამდებარე საკონკურსო დოკუმენტაცია შედგენილია „სახელმწიფო შესყიდვების შესახებ“ საქართველოს კანონისა და „კონკურსის მეშვეობით საპროექტო მომსახურების სახელმწიფო შესყიდვის წესისა და პირობების დამტკიცების შესახებ“ სახელმწიფო შესყიდვების სააგენტოს თავმჯდომარის 2015 წლის 22 მაისის N7 ბრძანების საფუძველზე.

ქ. ბათუმი

2017



საკონკურსო დოკუმენტაცია

1. შესყიდვის ობიექტი:

ა) ქ. ბათუმში, N12 საჯარო სკოლის მიმდებარედ არსებულ ჯავახიშვილის ქუჩის სკვერში განსათავსებელი რუსეთ-საქართველოს ომში დაღუპულ გმირთა მემორიალის საუკეთესო ესკიზის გამოვლენა და მის საფუძველზე შედგენილი საპროექტო-სახარჯთაღრიცხვო დოკუმენტაციის შედგენა **იხ. ტექნიკური დავალება.**

2. შესყიდვის ობიექტის სავარაუდო ღირებულება - 6355,00 ლარი დღგ-ს გარეშე.

3. შესყიდვის ობიექტის მიწოდების ვადა - იხ. მე-8 მუხლში.

4. საკონკურსო წინადადების ფასის გაანგარიშება:

ა) საკონკურსო წინადადების ფასი გამოსახული უნდა იყოს ეროვნულ ვალუტაში - ლარში, შესყიდვის ობიექტის მიწოდებასთან დაკავშირებული მიმწოდებლის ყველა ხარჯის გათვალისწინებით, გარდა დღგ-სა. პრეტენდენტი წინადადების ფასში არ ითვალისწინებს დღგ-ს, მიუხედავად იმისა, არის თუ არა იგი დღგ-ის გადამხდელი საქართველოს კანონმდებლობის შესაბამისად. იმ შემთხვევაში, თუ გამარჯვებული პრეტენდენტი ხელშეკრულების დადების მომენტისთვის, საქართველოს კანონმდებლობის შესაბამისად, არის დღგ-ის გადამხდელი, ხელშეკრულების ღირებულებაში გათვალისწინებული იქნება საკონკურსო წინადადების ფასის შესაბამისი დღგ-ის ოდენობა;

ბ) საკონკურსო წინადადების ფასი არ უნდა აღემატებოდეს შესყიდვის ობიექტის სავარაუდო ღირებულებას. საკონკურსო წინადადების ფასს პრეტენდენტი უთითებს მხოლოდ სისტემის შესაბამის ველში. დაუშვებელია ტექნიკურ დოკუმენტაციაში საკონკურსო წინადადების ფასის მითითება. პრეტენდენტი, რომელიც ტექნიკურ დოკუმენტაციაში მიუთითებს საკონკურსო წინადადების ფასს, ექვემდებარება დისკვალიფიკაციას;

გ) პრეტენდენტს საკონკურსო წინადადების ფასის გაანგარიშების წარმოდგენა არ მოეთხოვება.

5. საკონკურსო წინადადების ხარისხის ჯამური შეფასების და საკონკურსო წინადადების ფასის ხვედრითი წონები:

ა) ხარისხის ჯამური შეფასების კოეფიციენტი - 0,7;

ბ) საკონკურსო წინადადების ფასის კოეფიციენტი - 0,3.

6. ხარისხის შეფასების კრიტერიუმები:

N	კრიტერიუმები	ხვედრითი წონა
1	პრეტენდენტის მიერ ელექტრონული სისტემის მეშვეობით წარმოდგენილი ესკიზის ვიზუალური მხარე, არქიტექტურული კონცეფცია	0,7
2	დასრულებული საპროექტო-სახარჯთაღრიცხვო დოკუმენტაციის მიწოდების ვადა (20 კალენდარული დღე)	0,3



შენიშვნა:

- ესკიზის ვიზუალური მხარის შესფასებისას კომისიის ყოველი წევრი ცალ-ცალკე აფასებს კრიტერიუმს 0–10 ქულიან დიაპაზონში, ხოლო საბოლოო შეფასება განისაზღვრება კომისიის წევრების მიერ მინიჭებული ქულების საშუალო არითმეტიკული მაჩვენებლით;
- მოწოდების ვადის შეფასებისას უპირატესობა ენიჭება დაბალ ციფრობრივ მაჩვენებელს.

7. ტექნიკური დავალება:

ა) ესკიზური პროექტი უნდა ემყარებოდეს ეროვნულ ღირებულებებს;

ბ) ესკიზი უნდა წარმოადგენდეს სივრცით კომპოზიციას, მასშტაბის თვალსაზრისით არ უნდა იყოს კამერული ხასიათის, აღქმის წერტილები უნდა შეირჩეს განთავსების ადგილის გეგმარებითი მდგომარეობის გათვალისწინებით, კომპოზიციის შერჩევისას ანგარიში უნდა გაეწიოს მიმდებარედ არსებულ შენობა-ნაგებობებს;

გ) ესკიზი გადაწყვეტილი უნდა იყოს თავისუფალი დიზაინის, სკულპტურულ-არქიტექტურული სინთეზის საშუალებით. გრაფიკული მასალების შესრულების მანერა - თავისუფალი;

დ) ესკიზი შესაძლებელია შესრულდეს ნებისმიერი სახვითი საშუალებით (3D ვიზუალიზაცია, ფანქარი, გუაში, შერეული ტექნიკა (სხვადასხვა კომპიუტერულ პროგრამაში აგებული) და სხვა);

ე) ავტორმა უნდა წარმოადგინოს ესკიზის კომპიუტერული ვერსია. ამასთან, ყოველ ეგზემპლარზე უნდა იყოს მითითებული ავტორისათვის სასურველი მასალა, რომელშიც მას პროექტის განხორციელება წარმოუდგენია;

ვ) მემორიალის საპროექტო-სახარჯთაღრიცხვო დოკუმენტაციის ბიუჯეტი არ უნდა აღემატებოდეს 100 000 (ასი ათასი) ლარს.

8. ხელშეკრულების აუცილებელი პირობები:

8.1. ანგარიშწორების პირობა:

ა) ანგარიშწორების ფორმა - უნაღდო, ვალუტა - ლარი;

ბ) ანგარიშწორება მიმწოდებელთან განხორციელდება მიღება-ჩაბარების აქტის გაფორმებისა და (დღგ-ს) ანგარიშ-ფაქტურის/ინვოისის წარმოდგენის შემდეგ 10 (ათი) სამუშაო დღის განმავლობაში;

გ) საავანსო ანგარიშწორება არ გამოიყენება.

8.2. ხელშეკრულების პირობების შეუსრულებლობა:

ა) ხელშეკრულებით ნაკისრი ვალდებულებების დაგვიანებით შესრულების შემთხვევაში, ყოველ დაგვიანებულ დღისათვის მიმწოდებელს ეკისრება პირგასამტეხლო ხელშეკრულების ფასის 0,25%-ის ოდენობით;

ბ) საჯარიმო სანქციების გადახდა არ ათავისუფლებს მიმწოდებელს ძირითადი ვალდებულებების შესრულებისაგან;



დ) ხელშეკრულებით ნაკისრი ვალდებულებების შეუსრულებლობის ან არაჯეროდან შესრულებისათვის ხელშეკრულების შეწყვეტის შემთხვევაში მიმწოდებელს ეკისრება პირგასამტეხლო ხელშეკრულების საერთო ღირებულების 5%-ის ოდენობით.

8.3. მიწოდების ვადა:

ა) მომსახურება უნდა განხორციელდეს ხელშეკრულების გაფორმებიდან არაუგვიანეს 20 (ოცი) კალენდარული დღისა.

8.4. ხელშეკრულების პირობების შესრულების წესი:

მომსახურების გაწევას „მიმწოდებელი“ ასრულებს საკუთარი ძალებით. დოკუმენტაციის შედგენის ვადა განისაზღვრება მიმწოდებლის მითითებით. ხელშეკრულებით გათვალისწინებული მომსახურების მოცულობის 50%-მდე დასაშვებია გადაეცეს „შემსყიდველის“ მიერ მოწონებულ ქვეიჯარე ორგანიზაციას. მომსახურების ნაწილის ქვეიჯარაზე გადაცემით მიმწოდებელი არ თავისუფლდება ხელშეკრულებით ნაკისრი ვალდებულებებისაგან.

9. გამარჯვებული კონკურსანტი ვალდებულია მასთან გაფორმებული ხელშეკრულების საფუძველზე შემსყიდველ ორგანიზაციას მიაწოდოს ესკიზის შესაბამისად შედგენილი სრული საპროექტო-სახარჯთაღრიცხვო დოკუმენტაცია „მშენებლობის ნებართვის გაცემის წესისა და სანებართვო პირობების შესახებ“ საქართველოს მთავრობის 2009 წლის 24 მარტის N57 დადგენილებით განსაზღვრული წესების დაცვით.

10. საპროექტო დოკუმენტაციის რაოდენობა.

ა) მიმწოდებელი ვალდებულია გადასცეს შემსყიდველს სრული საპროექტო-სახარჯთაღრიცხვო დოკუმენტაცია 4 ეგზემპლარად და მისი შესაბამისი ელექტრონული ვარიანტი. ელექტრონულ ვარიანტში ტექსტური დოკუმენტაცია (ხარჯთაღრიცხვა, განმარტებითი ბარათი და ა.შ.) უნდა იყოს დაბეჭდილი შრიფტით Sylfaen, ხოლო ნახაზები უნდა იყოს PDF ფორმატში, ამასთანავე, თითოეული ფაილის ოდენობა ზომით არ უნდა აღემატებოდეს 7 მეგაბაიტს.

11. ხელშეკრულების საბოლოო ვარიანტი დაზუსტდება კონკურსში გამარჯვებულ კონკურსანტთან ხელშეკრულების გაფორმების პროცესში, გარდა საკონკურსო დოკუმენტაციის მე-8 პუნქტით (გარდა 8.3 პუნქტისა) განსაზღვრული მოთხოვნებისა.

12. პრეტენდენტმა უნდა უზრუნველყოს საკონკურსო დოკუმენტაციით განსაზღვრული დოკუმენტების ატვირთვა სახელმწიფო შესყიდვების ერთიან ელექტრონულ სისტემაში, შემდეგი თანმიმდევრობით:



12.1. პრეტენდენტი პირის რეკვიზიტები, რომელშიც მითითებული უნდა იყოს:

- პრეტენდენტის იურიდიული ფორმა და დასახელება
- საიდენტიფიკაციო კოდი/ ნომერი
- პრეტენდენტის იურიდიული და ფაქტიური მისამართი:
- ხელმძღვანელის სახელი, გვარი
- პრეტენდენტის ტელეფონის ნომერი: ☎ტელ.: ; 📠ფაქსი.: ; 📱მოზ.: ;
- ელექტრონული მისამართი, E-mail:
- ბანკის დასახელება
- ბანკის კოდი
- ანგარიშსწორების ანგარიში

12.2. საპროექტო-სახარჯთაღრიცხვო დოკუმენტაციის მიწოდების ვადა.

12.3. გასაწევი მომსახურების აღწერილობა საკონკურსო დოკუმენტაციის ტექნიკური დავალების მოთხოვნების გათვალისწინებით, შემდეგი სახით:

1. მემორიალის ესკიზის პროექტი შესრულებული ნებისმიერი სახვითი საშუალებით (3D ვიზუალიზაცია, ფანქარი, გუაში, შერეული ტექნიკა (სხვადასხვა კომპიუტერულ პროგრამაში აგებული) და სხვა);
2. განმარტებითი ბარათი, რომელშიც გადმოცემული იქნება მემორიალის კონცეფცია;
3. მემორიალის დამზადებაზე გამოსაყენებელი მასალის ანოტაცია;
4. ტერიტორიის სიტუაციური გეგმა, მასშტაბი - 1:500;
5. მემორიალის ნახაზები (გეგმა, ფასადი და სხვა), მასშტაბი - 1:100 ან 1:200;
6. მემორიალის დეტალური ნახაზები, მასშტაბი - 1:20;
7. განშლები, ფოტომონტაჟი ან ჩანახატი;
8. მემორიალის მიმდებარე ტერიტორიის კეთილმოწყობის (გამწვანება, განათება, მისასვლელი ბილიკი და სხვა) კონცეფცია.

13. კონკურსის ეტაპის - „წინადადების მიღება დასრულებულია“, საკონკურსო დოკუმენტაციის 12.2 და 12.3. პუნქტებით მოთხოვნილი დოკუმენტების წარმოდგენლობა გამოიწვევს პრეტენდენტის დისკვალიფიკაციას.

14. დამატებითი ინფორმაცია:

ა) სახელმწიფო შესყიდვების ერთიან ელექტრონულ სისტემაში ატვირთული ყველა დოკუმენტი და ინფორმაცია ხელმოწერილი და ბეჭედდასმული (არსებობის შემთხვევაში) უნდა იყოს უნდა იყოს პრეტენდენტის შესაბამისად უფლებამოსილი პირის მიერ;

ბ) კონკურსთან დაკავშირებული ყველა დოკუმენტი ან/და ინფორმაცია წარმოდგენილი უნდა იქნას ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი;



გ) პრეტენდენტს არ აქვს უფლება წარმოადგინოს ალტერნატიული საკონკურსო წინადადება.

დ) კონკურსში გამარჯვებული ნამუშევარი გადადის შემსყიდველის საკუთრებაში, ხელშეკრულების გაფორმების შემდგომ, საავტორო უფლებების შესახებ მოქმედი კანონმდებლობის დაცვით.

ე) საკონკურსო დოკუმენტაციასთან დაკავშირებული განმარტებების მიღება შესაძლებელია საკონტაქტო პირისაგან: იამზე ზოსიძე, ტელ: (0422) 27 26 18; წერილობითი მიმართვის შემთხვევაში ქ. ბათუმი, ლუკა ასათიანის ქ. №25, ქ. ბათუმის მუნიციპალიტეტის მერიის აპარატის საქმისწარმოების განყოფილება; E mail: tender@batumi.ge.

მემორიალის განთავსების ადგილის ფოტო

